

五礼通考

第四十五册

五禮通考卷第八十六

內廷供養禮部右侍郎金匱秦惠用編輯

兩淮都轉鹽運使德永盧覓曾

參校

李太僕總督蘇都御史桐城方觀承同訂

直隸按察司副使元和宋宗元

古禮八十六

宗廟時享

周禮天官甸師帥其屬而耕耨王藉以時入之以共齋盛

禮記祭義耕藉所以教諸侯之養也

樂記耕藉然後諸侯知所以敬

春秋桓公十四年秋八月壬申御廩災乙亥嘗穀梁傳御廩之災不志此其志何也以爲唯未易災之餘而嘗可也天子親耕以供粢盛以爲人之所盡事其祖禰不若以已所自親者也公羊傳御廩者何粢盛委之所

藏也

注黍稷曰粢在器曰盛委積也御者謂御用於宗廟廩者糴治穀名禮天子親耕東田千畝以供粢盛躬行孝道以先天下

〔白虎通〕天子親耕以共郊廟之祭

右親耕共粢盛

〔周禮〕天官內宰中春詔后帥外內命婦始蠶於北郊以爲祭服

〔禮記〕月令季春之月后妃齊戒親東鄉躬桑禁婦女毋觀省婦使以勸蠶事蠶事既登分繭稱絲效功以其郊廟之服

孟夏之月蠶事畢后妃獻繭乃收繭稅以桑爲均貴賤長幼如一以給郊廟之服

季夏之月命婦官染采黼黻文章必以法故無或差貸黑黃蒼赤莫不質良毋敢詐僞以給郊廟祭祀之服

〔祭義〕古者天子諸侯必有公桑蠶室近川而爲之築宮

仞有三尺棘牆而外閉之及大昕之朝君皮弁素積卜
三宮夫人世婦之吉者使入蠶於蠶室奉種浴於川桑
于公桑風戾以食之歲既單矣世婦卒蠶奉繭以示于
君遂獻繭于夫人夫人曰此所以爲君服歟遂副禕而
受之因少牢以禮之古之獻繭者其率用此歟及良日
夫人纁三盆手遂布于三宮夫人世婦之吉者使纁遂
朱綠之元黃之以爲黼黻文章君服以祀先王先公敬
之至也

春秋桓公十四年穀梁傳王后親蠶以共祭服
國語魯語王后親織元統社而賦事烝而獻功
白虎通后之親桑以共祭服

右親蠶共衣服

蕙田案親耕親蠶蓋廟享之敬以歲計者也

周禮地官牧人掌牧六牲而阜蕃其物以共祭祀之牲

遂人凡國祭祀共野牲

注共野牲入於牧人以待事也疏謂牛羊豕在六遂者故曰野牲牧人云掌牧六牲以待祭

祀故知此野牲亦入牧人以待事也

遂師凡國祭祀共其野牲

牧人凡祭祀共其犧牲以授充人繫之

注授充人者當殊養之疏牧人養牲臨祭前

三月授與充人繫養之

春官肆師大祭祀展犧牲繫于牢頒于職人

疏將有宗廟大祭祀牧人以牲

與充人之時肆師省閱其牲看充否及色堪爲祭牲乃繫于牢頒付于職人也

地官充人掌繫祭祀之牲牲祀五帝則繫于牢芻之三

月享先王亦如之

疏上經天地外神已別于上故今以先王亦如之亦繫于牢芻之三月也

蕙田案以上五條言犧牲掌于牧人供于遂人授于充人將授之時肆師又展省其牲以

頒之充人充人乃繫于牢芻之三月也

牛人凡祭祀其其享牛求牛以授職人而芻之

注享獻也獻神之牛謂所

以祭者也求終也終事之牛謂所以釋者也宗廟有釋者孝子求神非一處

夏官羊人若牧人無牲則受布於司馬使其賈買牲而
其之

地官橐人掌豢祭祀之犬

疏養犬曰豢此經是也知養豕亦曰豢者樂記云豢豕作酒是豢豕曰豢也

春官雞人掌其雞牲辨其物

注陽祀用騂陰祀用鷄陽祀祭天于南郊及宗廟

應氏摛謙曰周禮牧人掌牧六牲先儒以爲馬牛羊犬豕雞也然馬並未見之于吉祭惟大司馬喪祭奉詔馬牲牧人將事于四海山川飾黃駒則吉祭唯用五牲而已而大戴禮載曾子之言序五牲之先後貴賤宗廟曰芻豢山川曰犧牲割列擗瘞是有五牲而曲禮牲號牛曰一元大武羊曰柔毛豕曰剛鬣豚曰脂肥犬曰羹獻雞曰翰音亦不言馬有何號也此可見矣

蕙田案以上五條言六牲各有所掌之職豕人或當屬之冬官也

禮記曲禮天子以犧牛

注犧純毛也

周禮地官牧人凡陽祀用騂牲毛之

注陽祀謂祭天于南郊及宗廟

禮記檀弓周人牲用騂

蕙田案以上三條言犧牲毛色純全及所尚

王制宗廟之牛角握

注握謂長不出膚疏公羊傳曰膚寸而合鄭注投壺禮云四指曰扶扶則膚也

周禮考工記梓人宗廟之事脂者膏者以爲牲

注脂牛羊屬膏豕屬

疑者曰脂釋者曰膏

蕙田案此二條言犧牲之禮

詩小雅無羊三十維物爾牲則具

箋牛羊之色異者三十則女之祭祀索則有之

禮記月令季夏之月命四監大合百縣之秩芻以養犧牲令民無不咸出其力以祠宗廟之靈

季冬之月乃命同姓之邦其寢廟之芻豢

疏寢廟先王與同姓國共之故命同姓國

其之言芻乃是牛羊而又云豢則是太豕也宗廟備六牲故云芻豢也

凡在天下九州之民者無不咸獻其力以共寢廟之祀

祭義古者天子諸侯必有養獸之官及歲時齊戒沐浴而躬朝之犧牲祭牲必於是取之敬之至也君召牛納而視之擇其毛而卜之吉然後養之君皮弁素積朔月月半君巡牲所以致力孝之至也

之君召牛納而觀之更本擇牲意

注歲時齊戒沐浴而躬朝之謂將祭祀卜牲君朔月月半巡視

國語楚語子期祀平王祭以牛俎于王王問於觀射父

曰祀牲何及

注王惑俎肉而問牲用所及

對曰祀加于舉

注加增也舉人君朝望之盛饌

天子

舉以大牢祀以會

注大牢牛羊豕也會會三大牢舉四方之奠

王曰其小大何如對

曰烝嘗不過把握王曰何其小也對曰夫神以精明臨

民者也故求備物不求豐大是以先王之祀也以一純

二精

注一純心純一而潔二精玉帛也

三牲四時五色六律七事八種

注七事天地民

四時之務也八種八音也

九祭十日十二辰以致之

注九祭九州助祭也十日甲至癸也十二辰子至亥也擇其吉

日令辰以致神

百姓于品萬官億醜兆民經八咳數以奉之明德

以昭之齎聲以聽之以告徧至則無不受休王曰芻豢
幾何對曰遠不過三月近不過浹日

注遠謂三牲近謂雞
鶩之屬浹日十日也

右庀牲

蕙田案三月庀牲廟享之敬以月計者也

周禮夏官大司馬中夏教芟舍遂以苗田獻禽以享祔
中冬教大閱遂以狩田入獻禽以享烝

林氏椅曰周家四祭祀
而用田因田而教戰

禮記王制天子諸侯無事則歲三田一爲乾豆

注三田者夏
不田蓋夏時

也周禮春曰蒐夏曰苗秋曰獮冬曰狩乾豆謂腊之以爲祭祀豆實也疏一爲
乾豆者謂乾之以爲豆實豆實非脯而云乾者謂作醢及醢先乾其肉故云乾豆
是上殺
者也

春秋桓公四年穀梁傳四時之田皆爲宗廟之事也春
曰田夏曰苗秋曰蒐冬曰狩四時之田用三焉唯其所
先得一爲乾豆

注上殺中心死速乾之
以爲豆實可以祭祀

詩小雅車攻大庖不盈

傳一曰乾豆二曰賓客三曰充君之庖故自左

左驛達于右謂爲下殺面傷不獻踐毛不獻不成禽不獻禽雖多擇取三十焉其餘以與大夫士以習射于澤宮田雖得禽射不中不得取禽田雖不得禽射中則得取禽古者以辭讓取不以勇力取

通傳又因經大庖不盈廣言殺獸充庖之事一曰乾豆謂第一上殺者乾豆以爲豆實供宗廟也

百虎通王者諸侯所以田獵何爲田除害上以其宗廟下以簡集士眾也

右田禽

蕙田案田禽以祭廟享之敬因乎時者也

禮記射義天子將祭必先習射於澤澤者所以擇士也已射於澤而後射於射宮射中者得與於祭不中者不得與於祭不得與於祭者有讓削以地得與於祭者有慶益以地

古者天子之制諸侯歲獻貢士於天子天子試之於射宮其容體比於禮其節比於樂而中多者得與於祭其

容體不比於禮其節不比於樂而中少者不得與於祭
數與於祭而君有慶數不與於祭而君有讓

右擇士

周禮春官守祧掌守先王先公之廟祧若將祭祀其廟
則有司修除之其祧則守祧黝堊之注廟祭此廟也祧祭遷主有司宗伯也修除黝堊互言之
有司恆主修除守祧恆主黝堊鄭司農云黝讀爲幽幽黑也堊白也爾雅曰地謂之黝牆謂之堊

夏官隸僕掌五寢之埽除糞酒之事祭祀修寢

注五寢五廟之寢也

周天子七廟唯祧無寢詩云寢廟繹繹相連貌也前曰廟後曰寢汜埽曰埽埽席前曰并酒灑也於廟祭寢或有事焉月令凡新物先薦寢廟疏祭祀則在廟可知復云修寢者寢或有事不可不修治之也

右修除

周禮天官大宰前期十日帥執事而卜日

注前期前所諏之日也十日容散齊七日

致齊三日疏前期者謂祭日前夕爲期云前期十日者即是祭前十一日大宰帥宗伯大卜之屬執事之人而卜日云前期前所諏之日者此依少牢所諏之日即祭日也凡祭祖謂于祭前之夕爲期今言前期十日者謂祭前十一日卜卜之後日遂戒使散齊致齊故云十日容散齊七日致齊三日案禮記祭統云散齊七日

日以定之致齊
三日以齊之

春官肆師凡祭祀之卜日宿爲期詔相其禮

大宗伯凡享大鬼帥執事而卜日

太史大祭祀與執事卜日

龜人祭祀先卜若有祭事則奉龜以往

太卜大祭祀則眡高命龜

注士喪禮曰宗人卽席西面坐命龜疏引士喪禮證天子命龜處所與士禮同

禮記曲禮內事以柔日

疏乙丁巳辛癸五偶爲柔也

右卜日

蕙田案卜日廟享之有事於旬日者也

周禮天官大宰祀五帝則掌百官之誓戒與其具修前期十日遂戒享先王亦如之

地官遂師凡國祭祀審其誓戒

春官太史戒及宿之日與羣執事讀禮書而協事

疏戒謂散齊七

日宿謂致齊三日當此三日之時與羣執事與祭之官讀禮書而協事恐事有失錯物有不供故也

夏官司士凡祭祀掌士之戒令

秋官條狼氏凡誓執鞭以趨於前且命之

左誓者謂將祭祀時也郊特牲說祭祀之

誓曰卜之日王立於澤親聽誓命受教諫之義也

陳氏禮書天子諸侯誓以卜吉之日戒宿以卜尸之日大夫前有十日之戒則與天子諸侯同後有一日之宿則與天子諸侯異此所謂有曲而殺也士有筮日而無諏日有宿而無戒與大夫異宿以三日而不以一日則與天子諸侯同此所謂有順而撫也

右誓戒

周禮天官膳夫王齊日三舉

玉府王齊則共食玉

春官鬯人凡王之齊事共其秬鬯

禮記玉藻齊則結結佩而爵韞

注結屈也結又屈之思神靈不在事也爵韞齊服元端

君羔臂虎犢

注此君齊車之飾皇氏曰君謂天子諸侯

祭義致齊於內散齊於外齊之日思其居處思其笑語思其志意思其所樂思其所嗜齊三日乃見其所爲齊

者

注致齊思此五者也疏此一節明祭前齊日之事

祭統及時將祭君子乃齊齊之爲言齊也齊不齊以致齊者也是故君子非有大事也非有恭敬也則不齊不齊則於物無防也耆欲無止也及其將齊也防其邪物訖其耆欲耳不聽樂故記曰齊者不樂言不敢散其志也心不苟慮必依於道手足不苟動必依於禮是故君子之齊也專致其精明之德也故散齊七日以定之致齊三日以齊之定之之謂齊齊者精明之至也然後可以交於神明也是故先期旬有一日宮宰宿夫人夫人

亦散齊七日致齊三日君致齊於外夫人致齊於內然

後會於太廟

疏此一節明將祭齊戒之義并明君與夫人皆致齊會于太廟夫婦交親行祭之義外謂君之路寢內謂夫人正寢是致齊並

皆於正寢其實散齊亦然

周禮春官世婦掌女宮之宿戒

疏此亦祭前三日戒之使齊祭前三日又宿之

禮記曲禮齊者不樂不弔

禮器三月繫七日戒三日宿慎之至也

郊特牲齊之立也以陰幽思也故君子三日齊必見其所祭者

揚子孝子有祭乎有齊乎夫能存亡形屬荒絕者惟齊乎故孝子之於齊見父母之存也

劉向說苑聖主將祭必潔齊精思若親之在方興未登悃悃憧憧專一想親之容貌彷彿此孝子之誠也四方之助祭空而來者滿而反虛而至者實而還皆

取法則焉

陳氏禮書君齊於路寢夫人齊於正寢士大夫亦各齊於適寢散齊夜處適寢亦豫外事所謂致齊於內散齊於外是也致齊晝夜處適寢不豫外事所謂非致齊也不晝夜居於內是也

右齊

應氏摛謙禮樂彙編王禮篇宿尸前宿一日大宗伯宿戒尸明日朝大宗伯卜尸如卜日之禮命曰孝王

某來日丁亥用薦歲事於皇祖某公以某妃配某氏

以某之某爲尸

世祖以下同

尚饗吉則遂宿尸七廟共七尸

太祖之尸太卜卜之文武二尸卜師二人卜之四廟

卜人四人分卜之

若大禘則毀廟之主昭穆各一尸共九尸

大宗伯立於尸外門

外羣執事各立於其後北面東上尸冕服出門左西

面宗伯辟還北面再拜稽首傳擯介告曰孝王某來
日丁亥用薦歲事於皇祖某公以某妃配某氏筮子
爲皇祖之尸占曰吉敢宿祝許諾致命尸許諾祝傳
命於擯傳介宗伯又再拜稽首宗伯退尸送揖不
拜六尸皆如之若不吉則遂改筮尸

依周禮
儀禮定

蕙田案天子諸侯之祭必有尸祭統君執圭
瓚灌尸是諸侯之祭有尸也周禮守祧各以
其服授尸是天子之祭有尸也公羊子何休
注曰禮天子以卿爲尸諸侯以大夫爲尸儀
禮特牲饋食筮尸疏大夫士以孫之倫爲尸
若天子諸侯雖用孫之倫取卿大夫有爵者
爲之故鳧鷖曰公尸蓋以孫列之卿大夫爲
尸也尸之數則一廟一尸天子七諸侯五禮